



古今名醫百類案

三 第 卷

喘	癰	卒死	人暴長大	人漸縮小	厥	痰
瘡	欬嗽	消癰	人化為水		瘰	笑哭不常

特 別
 79
 517
 3



577
3

名醫類案卷之三

明新都篁南江權集

長子應元校正

次子應宿述補

痰

羅謙甫治楊太參七旬餘宿有風疾春間忽病頭旋眼黑
目不見物心神煩亂兀兀欲吐不吐心中如懊懣狀頭
偏痛微腫而赤色腮頰亦赤色足脗冷羅曰此少壯時
好飲酒久積濕熱於內風痰內作上熱下寒是陽不得
交通否之象也經云治熱以寒雖良工不能廢其繩墨
而更其道也然而病有遠近治有重輕參政年高氣弱



一 人遍身俱是塊塊卽痰也二陳加白芥薑炒黃連煎服
一 人年五十形肥味厚且多憂怒脉常沈瀋自春來得痰
氣病醫認爲虛寒率與燥熱香竈之劑至四月間兩足
弱氣上衝飲食減朱視之曰此熱而脾虛痿厥之症作
矣形肥而脉沈未是死症但藥邪太盛當此火旺實難
求生且與竹瀝下白朮膏盡二斤氣降食進一月後仍
大汗而死

一 婦年五十餘素多怒因食燒酒次早面浮絕不思食身
倦怠脉沈瀋獨左豁大朱作體虛有痰氣爲痰所隔不
得降當補虛利痰藥爲主每早以二陳加參朮太劑與
一貼後探令吐出藥辰時與索矩三和湯三倍加白朮

至睡後以神祐丸七粒撓其痰如此一月而安

虞恒德治一婦四月間因多食青梅得痰飲病日間曾膈
中入痛如刀錐至晚胃中痛止而膝前大痛蓋痰飲隨
氣升降故也一醫作胃寒治用乾薑良薑官桂烏附丁
沈葷及煮胡椒粥間與病日劇加之口渴小水淋瀝虞
診其六脉洪數而滑作清痰劇治令其亟烹竹瀝服三
日口不渴小水亦不淋瀝但胃中與膝互痛如舊用蘆
荀子汁研與半碗吐痰半外至夜痛尤甚而厥正所謂
引動其猖狂之勢耳次日用參蘆一兩逆流水煎服不
吐又次日苦參煎湯服亦不吐又與附子尖桔梗蘆皆
不吐一日侵晨梨蘆末一錢麝香少許酸漿水調與始

得大吐至次日天明吐方定前後得痰及稠飲下小桶其痛如脫調理而安

一東南朝貴素畏熱藥病痰輒云火痰如苓連一日冬雪寒冽眩暈以死韓飛霞以黑附子一片砒一分春入薑汁劫之大吐又服煖藥而愈此蓋地氣東人豈可拘執自誤况痰生於濕濕生於寒乎

會稽徐彥純治一人病痰數年不愈診其脉左手微細右手滑大微細為寒滑大為燥以瓜蒂散湧其寒痰數升汗出如沃次以導水丸禹功散去腸中燥垢亦數升人半愈後以淡劑流濕降火開胃口不越月而瘥

盛文紀以醫名吳中有訓導病頭疼發熱惡寒初作外感

治或以風治見熱則退熱痛則止痛或以氣虛治由是病劇人事不省飲食已絕盛診視曰君幾誤死法當先去其滯遂用一陳湯加大黃六七錢令守者曰急煎俾服至夜分左眼若動肝氣乃舒大泄則有可生之機矣至夜半時腹中有聲左眼果開遺穢物斗許中有堅硬如卵之狀竹刀剖視即痰畏麪食也既而氣舒結散津液流通即索食矣眾醫問故盛曰訓導公北人也又居於吳飲酒食麪皆能助濕濕能傷脾脾土一虧百病交作有是病服是藥更何疑焉眾醫咸服

黃師文治一婦人卧病垂三年狀若勞瘵諸醫以虛損治不瘥黃視之曰此食陰物時或遭驚也問之婦方自省

悟曰曩者食米糲時忽人報其夫墜水由此一驚病延至今不能愈黃以青木香丸兼以利藥一貼與之須臾下一塊扶之乃痰裹一米糲耳當時被驚快快在下而不自覺也自後安康無恙

小兒醫陳日新形體疳羸每日病熱至暮尤甚醫以陰虛治或以瘳瘳治荏苒半載病勢轉危日新謂其父曰欲得大黃通利太腸爲之一快雖死無憾其父從之遂以導痰湯入硝黃煎服自辰至申下結糞一塊如核桃許扶開視之乃上元看燈時所食粉餌也因痰在外不能化由是致熱日漸銷鑠耳向使日新不自知醫則終爲泉下人矣誰謂劉張之法無補於世哉

錢中立治周訓導年五十時患痰火之症外貌雖羸稟氣則厚性不喜飲醫視脉孟浪指爲虛火用補中益氣湯以參朮各五錢病者服藥踰時反致氣喘上升喘息幾殆錢視曰此實火也宜瀉不宜補痰氣得補火邪愈熾豈不危殆先用二陳湯探吐出痰碗許其夜安寢平明仍用二陳去半夏加朴硝大黃下結糞無數其熱始退更用調理藥旬日始安吁不識病機妄施補劑鮮有失敗事者

豐城尹莫強中凡食已輒覺滿不下多方治之不効偶家人輩合橘紅湯取葷之似有味因連白飲之一日坐廳事方操筆覺胃中有物墜下大驚目瞪汗如雨急扶歸

須臾腹疼下數塊如鐵彈子不可開自此曾次厥然蓋脾之冷積也其方橘皮去穢取紅一斤甘草鹽各四兩水五碗慢火煮乾焙搗爲末點服夫莫病經年藥餌多矣不知功乃在一橘皮世之所忽豈可不察哉又古方以橘皮四兩水五碗慢火煮乾焙搗爲末點服名曰二賢散以治痰特驗出泊宅編

吳楚山治一男子瘦弱因卧卑濕之地遂得溢飲之證頭目眩暈羞日光寒熱時作四肢歷節疼痛醫作風治或作虛治將及半年俱不效吳診脉曰寸口脉沈而滑兩尺弦此溢飲濕痰也但汗吐之諸醫以病者虛羸當用補法謂汗吐必死吳曰此溢飲當發其汗遂以控涎丸

一服却用爆乾綿子一斗燃之以被圍之勿令氣泄令患人坐薰良久倏然吐出黑痰升許大汗如雨痛止身輕其病遂愈

一婦素有心脾氣痛好燒酒患舉則四肢厥冷每用諸香附子薑桂之屬隨服隨止一日前患復作遂以前藥服之不安仍飲燒酒二盞酒下腹脇脹滿坐卧不得下木香檳榔丸一百丸大便通後痛稍可頃間下墜愈痛向夜延吳診視脉數而有力知前香燥太過酒毒因利而發即以黃連解毒湯入木香少許二服而安

王中陽治江東富商自奉頗厚忽患疾心驚如畏人捕之聞脂粉氣即便遺泄晝夜坐卧常欲入擁護方安甫交

睫即陽氣不固遍身紅暈紫斑兩腿連足淫濕損爛膿
下不絕飲食倍常酬應不倦累醫不效王診得六脉俱
長三部九候往來有力兩手寸尺特盛至數遲數不愆
卒難斷證因問之商曰某但覺虛弱無力多驚悸及苦
於下元不固兩腿風瘡侍奉皆賴婦人而又多慾不能
自禁奈何治之王曰時醫必作三種病治一者治驚悸
二者治虛脫三者治風瘡以余觀之只服滾痰丸然後
調理滿座愕然王曰此係太過之脉心腎不交商曰然
則腿脚爲風賴乎王曰非也水火亢行心不攝血運於
下不能上升凝於肌膚日久濕爛與火炎水濫神情不
寧精元頻泄者本同標異也予欲逐去痰毒然後調理

遂與滾痰丸二次三日後脉候稍平再令服之商曰某
浙產也家人慮吾體虛每求補劑王曰君連年醫藥不
効反增劇者不識虛實認似爲真故也再令服三次越
五日其脉和已不言及驚悸之苦但求遺泄之藥王用
豁痰湯本方加茯苓煎服月餘諸症悉減精爽能步只
求治腿瘡更令服豁痰藥數劑用嬰幼門泥金膏以新
汲水濃調厚敷兩腿乾則易之經一時洗去則熱氣已
衰皮肉寬皺然後用杖毒活血之劑治之方出衛生寶
鑑痰症門泥金膏亦出此書

一貴婦忽心腹冷痛遂吐出宿汁不已又吐清涎如雞蛋
清之狀一嘔一二升許少頃復嘔諸藥不納噁唾亦不

能順下已經三日但聰明不昧囁後事將就木王診六
脉弦細而長令服滾痰丸三十丸並不轉逆須臾坐寐
移時索粥食之次日再進三十丸更服局方茯苓半夏
湯次日服小兒方白朮散四五日飲食如常而愈
一人素清癯骨立苦滿腹冷痛呻吟之聲撼屋振床嘔吐
清汁如雞蛋清諸醫不效令服滾痰丸三十粒即寧睡
更不嘔逆復診其脉雖熟寐中亦甚弦數睡醒仍更呻
吟再投五十丸其痛休作數日但不甚大嘔節續如廁
略有大便如水浸猪肉亦如赤白滯下小溲少許皆如
丹粉和膠膩不多餘皆是藥汁迫暮大嘔如雞蛋清水
二升藥丸皆如茶脚褐色仍如前粒粒分曉痛乃定熟

睡次日留豁痰湯數貼令其服罷仍服白朮散而愈
燕人楊姓者久患冷氣滿腹上攻下注大痛不堪任通障
壅上即吐冷涎半升而止每日一作飲食不進遂成骨
立醫用溫補不效視其脉六脉弦長勁急兩畔別有細
脉漉然而作狀如爛綿不問患者所苦何症但以脉言
之則有一曾膈臭痰在內患者曰然眾醫皆作冷氣因
補治下元日久並無少效某自覺胃中痞悶但不曾吐
方醫今聞此說令我大快遂投滾痰丸五十丸臨睡服
之半夜後吐黑綠冷涎數次早大便略通已見
數痰更求今晚之藥再付七十丸其病如脫再進一次
令服局方橘皮半夏湯四君子湯而愈

李媪年八十餘，臥病日久，心煩喜怒，改常習閉，不能進食，迷悶展轉不安，並無寒熱，別證令親人求治。王曰：彼疾久治不瘳，吾除滾痰丸之外，無法可施。況其年高不食，豈其宜乎？吾固知其可服，但不可多試。以十九丸投之，一服遂敗痰三五片，如水浸阿膠，頓覺安好。再與三十九丸，作三服，即安。更製龍腦膏一料，令其每夜噲睡，無恙五載而終。

一富翁素強健，忽病喘滿，不咳不吐，痰病日久，腿脚陰囊盡水腫，倚卧，息困極。王曰：非水症也，但胃膈有敗痰，宜服滾痰丸。患者曰：非四五人扶持，莫能登溷，遂已之。至於針刺放水，備嘗諸苦，年餘漸瘳，忽吐臭痰，患人撫

床大聲曰：果中前言，吾不智，以致久患，今則痰敗必成。肺癰急，請王來，遂製龍腦膏一劑，服未盡而愈。方出養生主論
一婦嬌弱，豐頤不顯，言何證求？王診視六脉，疾數勁急，上大下小，三焦部分搏指之甚。王曰：那得許多熱來？其夫笑曰：此言與老醫之言何其相背太甚！老醫曰：那得許多冷來？故服藥衣食，並是辛熱過暖之事，疑其症益加。今當從先生之言，請為治之。問其見證曰：上壅痰盛，胃閉脇痛，頭不能舉，口苦舌乾，精神煩亂，夢寐恍惚，兩頰結核，飲食不美。於是令服滾痰丸八十九，隨時清利，相繼三次，服之五七日，一次服九十九，至百丸，每夜噲龍腦膏，然病勢日夕兼聞，稟賦夙夜，遂令服黃連解毒丸。

一年方愈

方出養生主論

汪沈治淮陰楊姓者患脾虛而痰盛因服硝黃過多致脾胃益憊疲倦不能下榻數月危甚汪診之以導痰湯加人參白朮服之漸愈

薛已治一儒者昔腫一塊按之則軟肉色如故飲食如常勞則吐痰體倦此脾虛而痰滯用補中益氣加茯苓半夏少加羌活外用陰陽散以薑汁調搽而消後因勞頭暈作嘔仍以以前藥去羌活加蔓荊子而愈

閣老梁厚齋氣短有痰小便赤瀉足跟作痛尺脉浮大按之則瀉此腎虛而痰飲也用四物送六味九不月而康仲景云氣虛有飲用腎氣九補而逐之誠開後學之蒙

賸濟無窮之太枉腎氣九即六味九

孟都憲患氣短痰暈服辛香之劑痰盛遺尿兩尺浮大按之如無乃腎虛不能納氣歸源香燥致甚耳用八味九料八劑而愈

孫都憲形體豐厚勞神善怒面帶陽色口渴吐痰或頭目眩暈或熱從腹起左三部洪而有力右三部洪而無力乃足三陰虧損用補中益氣加麥門五味及加減八味九而愈

一男子體貌豐偉吐痰甚多脉洪有力殊不耐勞遇風頭暈欲仆口舌破裂或至赤爛誤食薑蒜少許口瘡益甚服八味九及補中益氣湯加附子錢許即愈停藥月餘

諸症復作以補中益氣加麥門五味兼服而愈

癸癸不常

癸癸不常

張子和路逢一婦人喜癸不休半年矣諸醫治之術窮張曰此易治耳以食鹽二兩成塊燒令通紅放冷研細以河水一大碗煎三五沸溫分三服須臾探吐出痰半斗次服大劑黃連解毒湯不數日而癸止

倪惟德治一婦病氣厥癸哭不常人以爲鬼祟所憑倪診脈俱沈胃脘必有積有所積必作痰遂以二陳湯導之吐痰并許而愈此蓋積痰類祟也
一妓患心疾狂歌痛哭裸裎妄言問之則瞪視默默脈沈堅而結曰得之憂憤沈鬱食與痰交積胃中涌之皆積痰畏血後與大劑清上膈數日如故

臨淄人自謂無病忽覺神思有異晚歌笑不節沈宗常曰此陰火乘肝晚動直以柔劑少加利之良愈一婦無故悲泣不止或謂之有祟祈禳請禱備至不應金匱有一症云婦人藏燥喜悲哀傷欲哭象如神靈所作數欠伸者甘麥大棗湯主之其方甘草三兩小麥一升大棗十枚水六升煮取三升分溫三服亦補脾氣十四貼而愈

悲屬肺經云在藏為肺在志為悲又云精氣并于肺則悲是也此方補脾蓋虛則補母之義也

厥

淳于意治故濟北王阿母自言足熱而懣臣意告曰熱蹙也即刺其足心各三所按之無出血病旋已病得之飲酒大醉出史記

子和治西華李政之病寒厥其妻病熱厥前後十餘年其服逍遙散十餘劑不効二人脉皆浮大而無力政之曰吾手足之寒時時清以熱湯寒不能止吾婦手足之熱沃以冷水而不能已何也和曰寒熱之厥也此皆得之貪飲食縱嗜慾遂出內經厥論證之政之喜曰內經真聖書也餘年之疑今而釋然縱不服藥愈過半矣熱厥者寒在上也寒厥者熱在上也寒在上者以溫劑補

其肺熱在上者以涼劑清心火分麩二藥令服之不自
日二人皆愈矣

一少婦氣實多怒事不如意忽大叫而欲厥蓋痰閉於上
火起於下而上衝滑伯仁乃用香附五錢生甘草三錢
川芎七錢童便薑汁炒煎服又用青黛人中白香附丸
服稍愈後用吐法乃安再用導痰湯加薑汁黃連香附
生薑下龍會丸安

呂元膺治一僧病厥已三日不知人切其脉右口之陽弦
而遲少陰之脉緊而勁不滿四十動而止此寒邪乘於
腎肝所致法當以辛甘復其陽爲作湯三升頓服遂起
對客如不滿然一藏已絕去此若干日當復病卽死果

驗

丹溪治一婦病不知人稍蘇卽號咷數四而復昏朱診之
肝脉弦數而且滑曰此怒心所爲蓋得之怒而強酒也
詰之以不得於夫每夜必卧滿自酌解其懷朱治以流
痰降火之劑而加香附以散肝分之鬱立愈

一人平生脚自踝以下常覺熱冬不加綿於上常自言也
我資稟壯不怕冷朱曰此足三陰虛宜斷欲事以補養
陰血庶幾可免彼笑而不答年方十七痿半年而死
劉錫鎮襄陽日寵妾病傷寒暴亡衆醫云脉絕不可治或
言市上賣藥許道人有奇術可用召之曰是寒厥爾不
死也乃請健卒三十人速掘作坑熾炭百斤雜薪燒之

俟極熱施薦覆坑昇病人卧其上蓋以毡褥少頃氣騰
上如蒸炊遍體流汗衣被透濕已而頓蘇如取藥數種
調治即日愈出夷堅志

宜按如字下恐乾故字
否則衍字耳

陳斗崑治一婦人病厥逆脉伏一日夜不甦藥不能進陳
視之曰可活也鍼取手足陽明氣少回灸百會穴迺醒
初大泣既而曰我被數人各執凶器逐潛入櫃中聞小
兒啼百計不能出又聞擊櫃者隙見微明俄覺火燃其
蓋遂躍出其擊櫃者針也然櫃蓋者灸也

郝允治二里婦一夜中口噤如死狀允曰血脉滯也不用
藥聞鷄聲自愈一行蹠蹠輒踏允曰脉厥也當活筋以
藥熨之自快皆驗

將以春治一娶婦年三十餘忽午後吐酸水一二碗許至
未時心前作痛至申痛甚暈去不省人事至戌方甦如
故每日如此醫治甚年不愈游至用一陳下氣之劑不
効熟思其故忽計鍼經有云未申時氣行膀胱想有瘀
血滯於此經致然遂用歸尾紅花各三錢乾漆五錢煎
服痛止吐定暈亦不舉次日復進一貼前證俱愈第三
日前方加大黃桃仁飲之小便去瘀血三四碗而痊
江萇南治一婦忽如人將冷水潑之則手足厥冷不知人
少頃發熱則漸省一日二三江診六脉俱微若有若
無欲絕非絕此氣虛極之症也用人參三錢陳皮一錢
枳殼三分人參漸加服參六兩而愈

一人卧奄然死去腹中走氣如雷名曰屍厥用硫黃一兩
焰燭五錢研細分三服好酒煎覺烟起即止温灌之片
晌再服遂醒

江應宿治弟婦年二十五寡居因事忤意忿怒腹脹如鼓
嘔噦大叫而厥少頃復甦晝夜扶立不能坐卧醫莫能
療將就木宿適從外歸聞喊聲問其狀知痰涎閉塞火
氣衝逆而發厥耳急煎薑湯磨紫金錠一匕而愈後旬
日遇事忤意激怒復舉製平胃加薑炒黃連半夏香附
米爲丸服半料不復舉矣

瘧

丹溪治一少年痘瘡騰謝後忽口禁不開四肢強直時透
一臍痛一陣則冷汗如雨痛定汗止時作時止脉極強緊
如真弦知其極勤苦因勞倦傷血瘡後血愈虛風寒乘
虛而入當用温藥養血辛涼散風方藥當歸爲君川芎
青皮釣鈎藤爲臣白术甘草陳皮爲佐桂枝木香黃連
爲使將紅花煎服十二貼而安

子和治一婦年三十病風搐目眩角弓反張數日不食諸
醫作驚風暗風風癇治之以南星雄黃烏附不効子和
曰諸風掉眩皆屬肝木陽主動陰主靜由火盛制金不
能平木肝木茂而自病故也先吐風痰一二升次以寒

劑下之又以錐針刺百會出血二盃而愈

虞恒德治一婦年三十餘身材小鎖形瘦弱月經數忽後日發產口禁手足攣縮角弓反張虞知其去血過多風邪乘虛而入用四物湯加防風羌活荆芥少加附子行經二貼病減半六貼全安

不食

四明僧奉真良醫也天章閣侍制許元為江淮發運使秦課於京師方欲入對而其子病亟瞑而不食憊憊欲逾宿矣使奉真視之曰脾已絕不可治死在明日元曰觀其疾勢固知其不可救今方有事須陞對能延數日之期否奉真曰如此自可諸藏皆已衰唯肝臟獨過脾為肝所勝其氣先絕一臟絕則死若急瀉肝氣令肝氣衰則脾少緩可延三日過此無術也乃投藥至晚乃能張目精稍復啜粥明日漸蘇而能食元甚喜奉真笑曰此不足喜肝氣暫舒耳無能為也後三日果卒

出筆談

人漸縮小

呂縉叔以制誥知穎州忽得疾身軀日漸縮小臨終僅如嬰兒古無此疾終無人識

正德初楚人姓潘行三者身甚肥壯卒之日縮如嬰兒人皆莫知其由後詢之平生服硫以致如此始信呂縉叔之事不妄

大曆中元察為邛州刺史而州城將有魏淑者膚體洪壯年方四十親老妻少而忽中異疾無所酸苦但飲食日損身體日銷耳醫生術士拱手無措寒暑未周即如嬰孩焉不復能行坐語言其母與妻更相提抱遇淑之生且家人召僧致齋其妻乃以釵股挾之以哺須臾能盡

一小甕自是日加所食身亦漸長不半歲乃復如初察則受與故職趨驅氣力且無少異後十餘年捍蠻戰死于陳集異記

人暴長大

皇甫及者其父為太原少尹甚鍾愛之及生如常兒至咸
通壬辰歲年十四矣忽感異疾非有切肌徹骨之苦但
暴長耳逾時而身越七尺帶兼數圍長啜大爵復三倍
於昔矣明年秋無疾而逝三水小牘

人化為水

歛客經潛山見蛇腹脹甚嚙一草以腹磨頃之脹消蛇去
客念此草必消脹毒取置篋中夜宿旅邸隣房有過客
為腹脹所苦客取藥就釜煎一杯飲之頃間其人血肉
俱化為水獨遺骸骨急挈裝而逃至明主人不測何為
及潔釜炊飯則釜遍體成金乃密瘞其骸既久客至語
其事春渚紀聞

卒死

劉太丞昆陵人有鄰家朱三者只有二子年三十餘忽然卒死脉全無請太丞治之取齊州半夏細末一大豆許納鼻中良久身微煖氣更甦迺遷無事人問卒死太丞單方半夏如何活得死人答曰此南嶽魏夫人方出外臺秘要

神方救五絕病一曰自縊死氣絕二曰墻壁屋崩壓死氣絕三曰溺水死氣絕四曰鬼魔死氣絕五曰產乳死氣絕並能抹之問葛生何授得此神術能活人命生曰我因入山採藥遇白衣人問曰汝非葛醫生乎我乃半夏之精汝遇人有五絕之病用我抹治即活但用我作細

末令乾吹入鼻中即復生矣

鳳綱漢陽人常採百草花水漬之瓮盛泥封自正月始迄九月末又取瓮埋之百日煎丸之卒死者以藥丸納口中水下之立活時人稱為神仙云出外傳

消癰

齊章武里曹山跗病淳于意診其脉曰肺消癰也加以寒熱即告其人曰死不治適其共養此不當醫治法曰後三日而當狂妄起行欲走後五日死即如期死山跗病得之盛怒而以接內所以知山跗之病者意切其脉肺氣熱也脉法曰不平不鼓形弊此五藏高之遠數以經病也故切之時不平而代不平者血不居其處代者時參擊並至乍躁乍大也此兩絡脉絕故死不治所以加寒熱者言其人尸奪尸奪者形弊形弊者不當關灸砭石及飲毒藥也臣意未往診時齊太醫先診山跗病灸其足少陽脉口而飲之半夏丸病者即泄注腹中虛又

灸其少陰脉是壞肝剛絕渴如是重損病者氣以故加寒熱所以後三日而當狂者肝一絡連屬結絕乳下陽明故絡絕開陽明脉陽明脉傷即當狂走後五日死者肝與心相去五分故曰五日盡盡則死矣

陳斗富治一人當心一塊如盤不腫不疼但晝夜若火燎近二年形瘦色黃醫以為勞瘵為鬱火為濕痰治皆弗効陳診之曰左關脉如輕豆經曰陽動則病消癰熱中以清靈丹十餘服心間團團汗濺然又進近百服一夕心如醉大汗而愈

脉經曰五藏脉小皆為消癰者消穀善饑也與此不

同

痺

齊王黃姬兄黃長卿家有酒召客召淳于意諸客坐未上
食意望見王后弟宋建告曰君有病往四五日君腰脇
痛不可俛仰又不得小溲不亟治病即入濡腎及其未
舍五臟急治之方今客濡腎此所謂腎痺也宋建曰然建
故有腰脊痛往四五日天雨黃氏諸倩見建家京口下
方石即弄之建亦欲効之効之不能起即復置之暮腰
脊痛不得溲至今不愈建病得之好持重所以知建病
者臣意見其色太陽色乾腎部上及泉腰以下者枯四
分所故以往四五日知其發意即以柔湯使服十八日
所以病愈出史記

古者患胃痺者心中急痛雖刺不得蜀醫為胃府有惡血
故也遂生韭數斤搗汁令服之即果吐出胃中惡血遂
差又蕭炳謂小兒初生與非汁灌之吐出惡血長則無
病驗能歸心氣而去包中惡氣治胃中也 出名醫錄

效嗽

衍義云有人患氣嗽將暮年或教以橘紅生薑倍乾神曲等分為末糊丸如梧桐子大食後臨卧以米飲送下三十九兼舊患膀胱氣緣服此皆愈

孫兆治一人病吐痰頃間已升飲咳不定面色黧黯精神不快兆告曰肺中有痰胃膈不利當服仲景葶藶大棗湯一服訖已覺胸中快利略無痰唾矣

錢仲陽治一人病咳面色青而光氣哽哽乙曰肝乘肺此逆候也若秋得之可治今春不可治其人祈哀強與藥明日吾藥再瀉肝而少却三補肺而益虛又加唇白法當三日死今尚能粥當過期居五日而絕

滑伯仁治一婦姓五月病嗽痰氣逆惡寒咽膈不利不嗜食者涑旬伯仁診其脉浮弦形體清癯曰此上受風寒也越人云形寒飲冷則傷肺投以溫劑與之致津液開滕理散風寒而嗽自安矣

張子和治常仲明病寒熱往來時咳一二聲面黃無力懶思飲食夜多寢汗日漸瘦削諸醫作虛損治之用二十四味燒肝散鹿茸牛膝補養二年口中痰出下部轉虛戴人斷之曰上實也先以漏劑吐痰二三升次以柴胡飲子降火益水一月餘復舊此證各何乃內經云二陽之病發心脾不得隱曲心受之則血不流故女子不月脾受之則味不化故男子少精此二證各異而實同仲

明之病乃脾受之味不化也

一男子年二十餘病勞嗽數年其聲欲出不出戴人曰魯服藥否其人曰家貧未常服藥戴人曰年壯不妄服藥者易治先以苦劑瀉之次以車瀆川大下之更服重劑果差

一田夫病勞嗽下涌下泄已減大半次服人參補肺湯臨卧更服續榔丸以進食

一男子五十餘病傷寒咳嗽喉中聲如鼾與獨參湯一服而輕再服而鼾聲除至三四服咳嗽亦漸退凡服參三斤而愈

梅師治久患啜呻咳嗽喉中作聲不得眠取白前搗為末

溫酒調服二錢

衍義云白前保定肺氣

一婦人患肺熱久嗽身如炙肌瘦將成肺勞以枇杷葉木通款冬紫苑杏仁桑白皮等分大黃減半各如常製治訖同為末蜜丸如櫻桃大食後臨卧各含一丸未終劑而愈

丹溪治一人年五十餘患咳嗽惡風寒胃痞滿口稍乾心微痛脉浮緊而數左大於右蓋表盛裏虛問其素嗜酒肉有積後因接內涉寒冒雨忍饑繼以飽食酒肉而病先以人參四錢麻黃連根節一錢半與二三點嗽止寒除改用厚朴枳實青陳皮瓜蒌半夏為丸與二十點參

湯送下，痞除。

一人患乾咳嗽聲啞用人參橘紅各一錢半白朮二錢半夏曲一錢茯苓桑白皮天冬各七分甘草青皮各三分五貼後去青皮加五味二十粒知母地骨皮瓜蒌仁桔梗各五分作一貼入薑煎再加黃芩五分仍與四物入章便竹瀝薑汁并炒黃柏二藥晝夜間服兩月聲出而愈。

一壯年因勞倦不得睡患嗽痰如黃白膿聲不出時春寒醫與小青龍四貼喉中有血絲腥氣逆上兩日後覺血腥漸多有血一線自口右邊出一茶頃遂止晝夜十餘次脉弦大散弱左大為甚此勞倦感寒強以辛甘燥熱

之劑動其血不洽恐成肺癆以參芪歸朮芍陳草帶節麻黃煎熟入藕汁服之二日而嗽止乃去麻黃又與四日而血除但脉散未收食少倦甚前藥除藕汁加黃芩砂仁半夏半月而愈。

一人痰嗽脇下痛先以白芥子薑汁竹瀝瓜蒌桔梗連翹風化硝薑蜜丸噙化茶清下。

仇少村少時嘗苦嗽百藥不瘳有越州學錄者教其取桑條向南嫩者不拘多少每條約寸許用二十一枚納於沙石鍋中用水五碗煎至一碗遇渴飲之服一月而愈出仇遠釋史。

一人嗽但用香櫞去核薄切片以酒煮熟用蜜拌勻睡起

服

一人事佛甚謹適苦嗽踰月夜夢老僧呼謂之曰汝嗽只是感寒吾有方授汝但用生薑一物切作薄片焙乾為末糯米糊丸芥子大空心米飲下三十九丸覺如其言數服而愈出癸志

張致和治沈方伯良臣患痰嗽晝夜不能安寢屢易醫或曰風曰火曰熱曰氣曰濕湯藥雜投形羸食減幾至危殆其子求治張診脉沈而濡濕痰生寒復用寒涼脾家所苦宜用理中湯加附子其夜遂得貼枕徐進調理之劑果安或曰痰證用附子何殊不知痰多者戴元禮常用附子其原出醫餘

汪石山治一婦年三十因夫買妾過於憂鬱患咳嗽甚則吐食嘔血兼發熱惡寒自汗醫用葛氏保和湯不効汪診其脉皆浮濡而弱按之無力晨則近數午後則緩曰此憂思傷脾病也脾傷則氣結而肺失所養故嗽遂用麥門冬片苓以清肺陳皮香附以散鬱人參黃芪芍藥甘草以安脾歸身阿膠以和血數服病少寬後每貼漸加參至五六錢月餘而愈

一人年二十餘病咳嗽嘔血盜汗或腸鳴作泄午後發熱汪切脉細數無復倫次因語之曰難經云七傳者逆經傳也初因腎水涸竭是腎病矣腎邪傳之於心故發熱而夜重心邪傳之於肺故咳嗽而汗泄肺邪傳之於肝

故脇痛而氣壅肝邪傳於脾故腸鳴而作泄脾邪復傳之於腎而腎不能再受邪矣今病兼此數者死不出旬日之外矣果如期而逝

一人形長色蒼瘦年逾四十每遇繩涼病痰嗽氣喘不能卧春暖即安病此十餘年矣醫用紫蘇薄荷荆芥麻黃等以發表用桑白皮石膏滑石半夏以疏內暫雖輕快不又復作注診之脉頗洪滑此內有鬱熱也繩涼則皮膚緻密內熱不能發泄故病作矣內熱者病本也今不治其本乃用發散徒虛其外愈不能當風寒疏內徒耗其津愈增鬱熱之勢遂以三補丸加大黃酒炒三次貝母瓜蒌丸服仍令每年立秋以前服滾痰丸三五十粒

病漸向安

一婦年逾五十其形色脆弱每遇秋冬痰嗽氣喘自汗體倦卧不安席或嘔惡心注診之脉皆浮緩而濡曰此表虛不禦風寒激內之鬱熱而然遂用參芪各三錢麥冬白朮各一錢黃芩歸身陳皮各七分甘草五味各五分煎服十餘貼而安每年冬寒病發即進藥次年秋間滯下腹痛後重脉皆濡細稍滑注曰此內之鬱欲下也體雖素弱經云有故無損遂以小承氣湯利兩三行腹痛稍除後重未退再以補中益氣湯加枳殼黃芩為藥煎服仍用醋燒熱磚布裹坐之而愈是年遇寒嗽喘亦不作

一婦產後咳嗽痰多晝輕夜重不能安寢飲食無味或時自汗醫用人參清肺湯嗽愈甚汪診之脉浮濡近駛曰此肺熱也令服保和湯五貼而愈

一婦懷妊七月嗽喘不能伏枕兩脅坐久皮皆潰爛醫用蘇子降氣湯三拗湯參蘇飲俱罔效汪診之右脉浮濡近駛按之無力左脉稍和曰此肺虛也宜用補法遂以人參錢半白朮麥冬各一錢茯苓八分歸身阿膠黃芩各七分陳皮五味甘草各五分煎服五七貼而愈

一童子八歲傷寒咳嗽痰少面赤日夜不休醫以參蘇飲數日嗽甚汪診之脉洪近駛曰熱傷肺也令煎葛氏保和湯病如失

一婦年三十質脆弱產後咳嗽痰臭或作肺癰治愈劇延及兩脚漸腫至膝大便澹小腹脹痛午後發熱面紅氣促不能向右侧臥汪診脉虛小而數曰凡咳嗽左右向不得眠者上氣促下瀉泄者發熱不為瀉減者此皆病之反也按此原於脾經曰脾主諸臭入肺腥臭入心焦臭入肝腐臭自入為穢臭蓋脾不能運行其濕濕鬱為熱釀成痰而臭矣經曰左右者陰陽之道路也脾虛則肺失所養氣劣行遲壅遏道路故咳嗽氣促不能右侧也脾虛必奪母氣以自養故心虛發熱而見於午也脾主濕濕勝則內滲於腸胃為澹泄外滲於皮膚為浮腫令用參朮甘草補脾為君白朮茯苓滲濕為臣麥冬保肺

氣酸棗仁以安心神為佐陳皮前胡以消痰下氣為使
用陳壁土以受陽光最多用之以為引用蓋土能解諸
臭用以補土亦易為力矣此取錢氏黃土湯之義也服
一貼前症略減病者喜甚注曰未也數服後無反復方
是佳兆否則所謂過時失治後發寒熱真陽脫矣泄而
脚腫脾氣絕矣何能收效

一婦人患症同前醫作肺癰治而用百合煎湯煮粥食反
劇注診其脉細弱而緩治以參芪甘溫等劑不數服而
愈此由治之早也

一人年十九面白質弱因勞思夢遺遂吐血碗許自是微
咳倦弱後身忽大熱出疹疹愈陰囊痒甚搓擦水流敷

以壁土囊腫如盞大遂去土以五倍塗少蜜灸為末敷
之遂愈因感風寒其嗽尤甚繼以左右脇痛注診脉虛
而數見其畏風寒嘔惡倦動糞溘氣促曰此金極似火
也夫心屬火而藏神腎屬水而藏志二經俱屬少陰而
上下相通今勞思則神不寧而夢志不寧而遺遺則水
不升而火獨亢也肝屬木而藏血其象震震為雷心火
既亢則類相應引動龍雷之火載血而越出於上竅矣
肝脉環達陰器亦因火擾而痛痒腫脹也火勝金故肺
經虛而乾咳皮毛為之合亦為火鬱而發疹大腸為之
府故亦傳導失宜而糞溘然金虛不能平木故木火愈
旺而凌脾胃虛嘔惡而食減經曰壯火食氣脾胃肺之氣

為壯火所食故倦於動作而易感風寒也經言兩脇者陰陽往來之道路也為火阻礙則氣不利而痛矣然火有虛有實有似火而實非火故經言有者求之無者求之虛者責之實者責之此治火之大法也前症之火皆虛非水濕之可折伏惟甘溫之劑可以祛除譬之龍雷之火日出則自潛伏矣若用苦寒降火正如雨驟雷烈而火愈熾矣世醫治火不惟不求之有無虛實專泥咳嗽吐血皆屬陰虛誤服參芪不救之語槩用滋陰等劑况此服滋陰已百餘貼而病反增劇豈可仍以陰虛治之耶且經言形寒飲冷則傷肺又謂脾胃喜溫而惡寒今用甘溫健其脾則肺經不虛而咳嗽氣促自愈肝木

有制而脇痛吐血自除虛毒之火亦自息矣遂以參芪各四錢神曲山查各七分白朮麥冬貝母各一錢甘草五分炒乾薑四分煎服十餘貼脈數減嗽少除精神稍健但後又適新婚不免耗損真陰將何以制其虛毒之火耶蓋效屬肺金數脈屬火效而脈數火尅金也冬月水旺而見數脈亦違時也大凡病見數脈多難治療病久脈數尤非所宜故為之深慮耳

薛已治大參李北泉時吐痰涎內熱作渴肢體倦怠勞而足熱用清氣化痰益甚薛曰此腎水泛而為痰法當補腎不信更進滾痰丸一服吐瀉不止飲食不入頭暈眼閉始信薛言用六君子湯數劑胃氣漸復却用六味丸

月餘諸症悉愈

北官李北川每發效嗽，薛用補中益氣湯，即愈。一日復作，自用參蘇飲，益甚。更服入參敗毒散，項強，口噤，腰背反張。薛曰：此誤汗亡津液而變證矣。仍以前湯加附子一錢，四劑而愈。

司廳陳國華素陰虛，患效嗽，以自知醫用發表化痰之藥，不應。用清熱化痰等藥，症愈甚。薛曰：此脾肺虛也。不信，用牛黃清心丸，更加胃腹作脹，飲食少，思足三陰虛症。悉見朝用六君加桔梗、升麻、麥冬、五味補脾土以生肺金。夕用八味丸補命門火以生脾土。諸症悉愈。經云：不能治其虛，安問其餘。此脾土虛不能生肺金，而金病復

作用前藥而反助其火，吾不得而知也。

中書鮑希伏素陰虛，患效嗽，服清氣化痰丸及二陳、芩、連之類，痰益甚。更用四物、黃柏、知母、玄參之類，腹脹咽啞。右關脈浮弦左尺脈洪大。薛曰：脾土既不能生肺金，陰火又從而尅之，當滋化源。朝用補中益氣加山萸、麥冬、五味。夕用六味丸加五味。三月餘，喜其慎疾得愈。

武選王用之飲食起居失宜，咳嗽吐痰，用化痰發散之藥，時仲夏肺洪數而無力，胃滿面赤，吐痰腥臭，汗出不止。薛曰：水泛為痰之證，而用前劑是謂重亡津液，得非肺癰乎？不信，仍服前藥，翌日果吐膿，脈數左寸右寸為甚。始信用桔梗湯一劑，膿數頓止，再劑全止，面色頓白，仍

以憂惶薛曰此症面白脉滿不治自愈又用前藥一劑
佐以六味丸治之而愈

儒者張克明咳嗽用二陳芩連枳殼胃滿氣喘侵晨吐痰
加蘇子杏仁口出痰涎口乾作渴薛曰侵晨吐痰脾虛
不能消化飲食胃滿氣喘脾虛不能生肺金涎沫自出
脾虛不能收攝口乾作渴脾虛不能生津液遂用六君
炮薑肉果溫補脾胃更用八味丸以補土母而愈

上舍史瞻之每至春效嗽用參蘇飲加芩連桑杏乃愈一
日復發用前藥益甚加喉疳就治右尺洪數而無力薛
曰此腎經陰火刑剋肺金當滋化源遂以六味丸料加
麥冬五味炒山桅及補中益氣湯而愈

一男子夏月咳嗽吐痰用胃火藥不應薛以為火乘肺金
用麥門冬湯而愈後因勞後復發用補中益氣加桔梗
山桅片芩麥冬五味而愈但口乾體倦小便赤澀日用
生脉散而愈

韓飛霞旅寓北方夏秋久雨天行咳嗽頭痛用益元散葱
薑湯調服應手取效日發數十片此蓋甲巳土運濕令
痰壅肺氣上竅但瀉膀胱下竅而已不在咳嗽例也
江寧南治一少年患咳嗽潮熱診之曰病得之好內飲以
四物減芩加麥冬紫苑阿膠地骨皮嗽熱良已既而不
謹復作他醫以寒涼之劑投之胃痞滿食減下泄江以
甘溫助其中氣病旋已所以知病得之好內飲者切其脉

乾而駛真陰損熱内生也後緩而弱脾重傷於苦寒也
江應宿奉叔父方伯之滇南抵任月餘叔父患痰嗽氣喘
不能伏枕腰痛大便秘小便淋瀝曾膈痞悶嘔吐清水
召官醫十餘曹治之罔效素有痰火哮喘病每遇天寒
或飲食起居失宜即舉發動經旬餘不藥亦愈本欲不
服藥則痞悶二便脹急難當命宿診之六脉緩弱無力
右爲甚即告之曰叔父非往昔痰火此屬內傷蓋因科
場選士勞倦傷脾兼以長途雨露受濕濕傷脾脾氣虛
則肺金失養清濁相干陰陽反作經曰濁氣在上則生
腹脹故痞滿而嘔清水宜分利陰陽滲濕利水進四苓
散加陳皮半夏竹茹一劑而大小便通利嘔水亦止是

夜伏枕安卧次早換六君子加當歸阿膠牛膝麥冬五
味諸症悉除但覺倦怠時吐稠濁痰一二口再單用六
君倍加參朮少佐貝母升麻麥冬五味補脾土調理叔
父笑曰汝十年之後當以醫顯吾幾違首丘之願遂上
疏棄官而歸途中日進前藥一服共服參斤餘抵家平
復如初

喘

張杲曰予淳熙丁未四月有痰疾因晚對上宣諭使以胡
桃肉三顆生薑三片臨卧時服之畢則飲湯三兩呷又
再嚼桃薑如前數且飲湯勿行動即就枕既還玉堂如
恩指敬服且而嗽止痰不復作輯之事亦類此云出己志
信州老兵女三歲因食鹽鯁過多齟齬之疾乳食不進貧
無可召醫治一道人過門見病女喘不止教使取甜瓜
蒂七枚研為粗末用冷水一茶盞許調澄取清汁呷一
小呷如其言纔飲竟即吐痰涎若膠黏狀曾次既寬齟
喘亦定少日再作又服之隨手愈凡三進藥病根如掃
此藥味極苦難吞嚥謂之曰甜瓜蒂苦誠然出類編

羅謙甫治一貴婦年踰五十身體肥盛當八月中霖雨時
行因過飲酒及灌乳腹脹喘滿聲聞舍外不得安卧木
小便滯滯氣口脉大兩倍於人迎關脉沈緩而有力羅
思霖雨之濕飲食之熱濕熱太盛上攻於肺神氣躁亂
故為喘滿邪氣盛則實實者宜下之為製平氣散加白
牽牛二兩半生半熟青皮三錢檳榔三錢陳皮五錢木
黃七錢內經曰肺苦氣上逆急食苦以泄之故以白牽
牛苦寒瀉氣分濕熱上攻喘滿故以為君陳皮苦溫體
輕淨理肺氣青皮苦辛平散肺中滯氣為臣檳榔辛溫
性沈重下痰降氣木黃苦寒瀉滌滿實故以為使為細
末每服三錢煎生薑湯調下無時一服減半再服喘愈

仍有胃膈不利煩熱口乾時時效嗽再與加減瀉白散
以桑白皮一兩地骨皮知母陳皮青皮桔梗各五錢黃
芩炙甘草各三錢剉如麻豆大每服五錢水煎服數劑
良愈華佗有云盛則為喘減則為枯活人書云發喘者
氣有餘也盛而為喘者非肺氣盛也喘為氣有餘者亦
非肺氣有餘也氣盛當認作氣虛有餘當認作不足肺
氣果盛又為有餘當清肅下行而不喘以其火入於肺
衰與不足而為喘焉故言盛者非肺氣盛也言肺中之
火盛也言有餘者非言肺氣有餘也言肺中之火有餘
也故瀉肺以苦寒之劑非瀉肺也瀉肺中之火實補肺
也用者不可不知

一入六旬餘素有喘症或唾血痰平居時則不喘稍行動
則氣喘促急以葦栢知母滋腎丸空心服七八十丸其
症大減此改離丸能泄衝脉之火者故如此效也

洪輯居溧陽西寺事觀音甚謹幼子佛護三歲病痰喘醫
不能治凡五晝夜不乳食症危輯憂惶禱於觀音至中
夜妻夢一婦人自後門入告曰何不服人參胡桃湯覺
而語輯輯酒然悟曰是兒必活此蓋木士垂救爾急取
新羅人參寸許胡桃丁枚不暇剉治煎成湯灌兒丁覘
殼許喘即定再進遂得醒明日以湯剉去胡桃皮取淨
肉入藥與服喘復作乃只如昨夕法治之信宿而瘳此
藥不載方書蓋人參定喘而帶皮胡桃則斂肺也

丹溪治一人貧勞秋深渾身熱手足疼如蝦晝輕夜重服風藥愈痛氣藥不効脉濇而數右甚於左飲食如常形瘦蓋大痛而瘦非病也用蒼朮酒黃柏各一錢半生附一片生甘草三分麻黃五分研桃仁九箇煎入薑汁令辣熟服四貼去附子加牛膝一錢八貼後氣喘痛略減意其血虛因多服麻黃陽虛被發動而上奔當補血鎮墜以酸收之以四物倍川芎芍藥加入參二錢五味十二粒與二貼喘定三日後脉減木半濇如舊仍痛以四物加牛膝參朮桃仁陳皮甘草檳榔生薑五十貼而安後因負重復痛食少煎藥加黃芪三分二貼而愈一人五七月間喘不得卧主於肺麻黃石膏各二錢柴胡

桑白皮各一錢甘草五分黃芩一錢半服之汗而愈後以五味甘草桑白皮人參黃芩遂安一人痰多喘嗽用白朮半夏香附蒼朮各一兩黃芩杏仁各半兩薑汁糊丸服一婦人六十八歲惡寒發熱自四月來得嗽痰眠卧不得食少心膈痛口乾其嗽五更頻甚以白朮三錢芍藥二錢半炒枳殼麻黃各二錢片苓一錢半桔梗蘇梗葉各一錢木通五分炙甘草些少五味二十粒入竹瀝一人日病喘不得卧肺脉沈而濇此外有風涼濕氣過內熱不得舒以黃芩陳皮木通各錢半麻黃蘇葉桂枝各一錢黃連乾生薑各五分甘草些少

一入體虛感寒發喘難臥以蒼朮白朮麻黃防風炒片各五分半夏枳殼各一錢桂枝木通炙甘草各三分薑二片同煎研杏仁五枚此方半夏為君兼解表三方煎一方為熱多而設後一方為寒多而設也

浦江吳輝妻孕時足腫七月初旬產後二日洗浴即氣喘但坐不得卧者五箇月惡寒得暖稍寬兩關脉動尺寸皆虛無百藥不効朱以牡丹皮桃仁桂枝茯苓乾薑枳實厚朴桑皮紫蘇五味瓜蒌實煎湯服之一服即寬二三服得卧其病如失蓋作汚血感寒治之也

滑伯仁治一人肺氣焦滿病得之多慾善飲且殫營慮中積痰涎外受風邪發則喘喝痰咳不自安為製清肺泄

滿降火潤燥苦辛之劑遂安

沈宗常治盧陵人脹而喘三日食不下咽矣視脉無他問何食飲對以近食羊脂沈曰得之矣脂冷則凝温熨之所及也温之得利而愈

天台李翰林有莫生患喘疾求醫李云莫生病日久我當治之乃取青橘皮一片展開入江子一箇以麻線繫之火上燒煙盡存性為末生薑汁酒一鍾呷服之到口便止實神方也

程明祐治張兩患中滿氣喘眾醫投分心氣飲舟車丸喘益甚一醫曰過在氣虛以參芪補之喘急瀕死程診之曰病得痰滯經絡藏府否塞生膈脹投滾痰丸初服腹

雷鳴再服下如雞卵者五六枚三服喘定氣平繼以參苓平胃散出入三十日復故所以知兩得之痰滯經絡者切其脈沈而滑痰候也

虞恒德治一羽士年五十餘素有喘病九月間得發熱惡寒證喘甚脈洪盛而以實一醫作傷寒治而用小柴胡湯加枳殼陳皮等藥六日後欲行太承氣一醫曰此傷食也宜用枳實導滯丸爭論不決虞視之二醫皆曰脈實氣實當瀉虞曰此火盛之脈非真實也觀其短氣不足以息當作虛治而用補中益氣湯加麥冬五味入附子三分煎服一貼脈收斂四貼而病減輕六貼全安汪古朴治一婦形肥而長面色紫淡產後病喘不能卧消

穀善饑汗出如洗汪診視曰此陰虛陽亢當合東垣丹溪兩法治之遂以升陽滋陰之劑旬餘而愈

汪石山治一人體肥色白年近六十痰喘聲如曳鋸夜不能卧汪診之脈浮洪六七至中或有一結曰喘病脈洪可治也脈結者痰礙經隧耳宜用生脉湯加竹瀝服之至十餘貼稍定患者嫌遲更醫服三拗湯猶以為遲益以五拗湯危矣於是復以前方服至三四十貼病果如失一人年踰六十病氣喘汪診之脈皆紫如蛛絲曰病不出是夜矣果如期而逝
一中年男子久喘每發時不食數日聲撼四隣百治不効脈寸沈伏關滑遂於未發時用人參白朮當歸地黃薑

汗製之瓜蒌實陳皮茯苓黃芩黃連乾薑些少煎湯下
青礬石丸將發時先用神效沈香丸下之次於前藥中
加杏仁枳實蘇葉滑石瓜蒌實煎服一月後症減十分之
八後遂守此方漸安後凡治數人以此法加減之皆效
一婦人年五十餘素有嗽病忽一日大喘痰出如泉身汗
如油脉浮而洪全似命絕之狀令速用麥冬四錢人參
二錢五味錢半煎服一貼喘定汗止三貼後痰亦漸少
再於前方加瓜蒌實錢半白朮當歸芍藥黃芩各一錢
半服二十餘貼而安此生脉散之功也
平江沈伯寧家豐好內厚味每年到四九月內必發氣喘
搗

此二枚自唐本落丁也

旬而愈

一婦人瘡寒熱涌嘔中滿而痛下利不食年五十餘殊困
頓醫藥不效伯仁診其脉沈而遲曰是積暑與食伏痰
在中當下之或曰人疲倦若是且下利不食烏可下方
擬進參附滑曰脉雖沈遲按之有力雖利而後重下迫
不下則積不能去病必不已乃以消滯丸藥微得通利
即少快明日即加數服之宿積腸垢盡去向午即思食
旋以薑橘參苓淡滲和平飲子調之旬餘乃復
毛素甫事母葉夫人極孝母年六十餘病疴旬餘憂甚每
夕禱於北辰拜且泣妹立母傍恍惚聞有告曰何不服
五苓散持一貼付之啟視皆紅色妹曰尋常此藥不如

是安可服俄若夢覺以語兄兩醫云此病蓋蘊熱所致
當加硃砂於五苓散中以應神言纔服罷若不再作
有宗室以恩添差通判常州郡守不甚加禮遂苦若疾久
而弗愈族人士遽為鈐轄素善醫往問正詰問若作而
顛撼掖不醒盡室駭懼連云無傷也是心中抑鬱陰陽
交戰至於損厥正四將軍飲子證也先令灼艾灸至四
百壯了無蘇意於是急製藥以附子火炮去皮臍四
分之二訶子四箇炮去核陳皮四箇全者洗淨不去白
甘草四兩炙各自切碎為四服水二盞薑棗各七煎去
五之三持飲病者初一杯灌之不納至再稍若吞嚥三
則倏起坐四服盡頓愈更不復作一時救急如此此病

若臨發日逐杯併服無不神効 出類編

丹溪治一貴人年近六十形壯色蒼味厚春得痰瘧用却
藥屢止屢作綿延至冬來求治知其痰少惟胃氣未完
天寒欠汗非補不可以一味白朮末之粥丸空腹熱湯
下二百丸盡二片大汗而愈如此者多但略有加減耳
一人形色俱實患痰瘧而且痢自恃強健能食但苦汗出
朱日瘡非汗不愈可慮能食耳此非痢也胃熱善消脾
病不化食積與病勢甚矣宜謹節以養胃氣省出入以
避風寒俟汗出透而安不從所言尋卒
一婦病瘧三日一發食少經不行已三月脈無時冬寒議
作虛寒治以四物湯加附朮神曲丸服疑誤再診見

其梳洗言動如常知果誤也經曰不行非無血為痰礙
脉無非血氣衰乃積痰生熱結伏其脉而不見耳當作
濕熱治與三苓神佑丸旬日後食進脉出帶微弦未謂
胃氣既全不用藥瘡當自愈而經行也令其淡滋味果
應

一少婦身小味厚瘡瘡月餘間日發於申酉頭痛身熱口
乾寒多喜飲極熱辣湯脉伏面色慘晦作實熱痰治之
以十棗湯為末粥丸黍米大服十粒津唾日三次令淡
飲食半月後大汗而愈

一人性急好酒色味厚適多憂怒患久瘡忽一日大發熱
大便所下臭積大孔極陷下此大虛也脉弦大而浮遂

以瓦磨如錢圓燒紅投葦便中急取起令乾以紙裹於
痛處恐外寒乘虛而入也以參歸陳皮煎湯服淡味半
月而安

一婦久病因哭子變瘡醫與四獸飲之類一日五六作汗
如雨不止凡兩月朱診之脉微數食少疲甚蓋病後無
陰悲哀傷氣又進濕熱之藥助起肝火正氣愈虛汗既
大出無邪可治陰虛陽散死在旦夕豈小劑之所能補
遂用參朮各二兩白芍一兩葦苳半兩炙甘草二錢作
太服濃煎一鍾日服三四次兩日寒熱止而愈

一壯男子因勞役發嗽得瘡瘡又服發散藥三發後變為
發熱舌短語言不正痰吼有聲脉洪數似滑先用獨參

陽加汗瀝二蛤殼後吐膠痰三塊舌本正而言可辨症
未退後用黃芪人參湯服半月諸症皆退粥食調養二
月方能起立而愈

一老人癯嗽半年兩尺脈數而有力色稍枯蓋服四獸飲
等劑中焦濕熱下流伏結於腎以致腎火上連於肺癯
嗽俱作參朮芩連和麻柴胡調中一二日與黃柏九兩
日夜焚交通而不泄此腎熱欲解故從前陰精竅而走
散無憂也次日癯嗽皆止

一富家子年壯病癯自卯足寒至酉分方熱至寅初乃休
一丁日丁夜止癯一時因思必為接內感寒所致問云九
月暴寒夜半有盜急起不著中衣當時足冷十日後癯

作蓋足陽明與衝脈合宗筋會於氣街入房太盛則足
陽明與衝脈之氣皆奪於所用其寒乘虛而入舍於二
經二經過脛會足附上於是二經之陽氣益損不能參
榮其經絡故病作卒不得休因用參朮大補附子行經
加散寒以取汗數日不汗病如前因思足跗道遠藥力
難及再以蒼朮川芎桃枝煎湯盛以高桶扶坐浸足至
膝食頃以前所服藥飲之汗出通身而愈

一入年三十餘久癯虛甚盜汗得嗽嗽來便熱夜甚以甘
草些少白朮二錢半防風一錢人參黃芪黃連各五分
乾薑一分數服而愈

二婦人同病癯一者面光澤乃濕在氣分非汗不解兩發

汗出而愈一者面赤黑色乃暑傷血分用四物加辛香
寒之劑二日發唇瘡而愈臨病處治其可執一乎
虞恒德治二男子年皆踰四十五各得瘰癧三年矣俱發
於寅申巳亥日一人晝發於巳而退於申一人夜發於
亥而退於寅虞曰晝發者乃陰中之陽病宜補氣解與
小柴胡湯倍加柴胡人參加白朮川芎葛根陳皮青皮
蒼朮夜發者為陰病宜補血疎肝用小柴胡合四物加
青皮各與十貼教其加薑棗煎於未發前一時服每日
一貼服至八貼同日得大汗而愈
胡仲禮者真州人也國初以醫名能精其術遂大聞於時
尤妙太素脉有病瘡者又莫能止求視其脉曰此瘡母

也須百劑方愈病者歸服藥至半意憚之中止而病未
瘳他日以問醫孫姓者脉之曰此須五十劑乃可如言
而病已蓋孫其婿郎傳業於仲禮者其精如此
孫琳治張知閣久病瘡遇熱作時如火年餘骨立醫以為
虛投之葶附熱愈甚招孫診視投小柴胡湯三貼服之
熱減十九又一服脫然孫曰是名勞瘡熱從髓出又加
剛劑剝損氣血安得不瘦蓋熱不一有去皮膚中熱者
有去臟腑中熱者若髓熱非柴胡不可北方銀州柴胡
只須一服南方力減故三服乃効今却可進滋補藥矣
薛已治一婦人久瘡形體怯弱內熱晡熱自汗盜汗飲食
少思月事不行服通經丸虛症悉具此因虛而致瘡因

瘧而致經閉用補中益氣湯及六味丸各百餘劑瘧愈而經行矣

一婦人久瘧瘧作則經不行形虛脉大頭痛懶食大便泄瀉小便淋瀝口乾唇裂內熱腹膨皆元氣下陷相火合病用補中益氣湯治之尋愈惟不時頭痛乃加蔓荊子而痛止又兼用六味丸而經行

一婦人瘧久兼之帶下發後口乾倦甚薛用七味白朮散加麥冬五味作大劑與之恣飲再發稍可乃用補中益氣加茯苓半夏十餘劑而愈凡截瘧薛常以參朮各一两生薑四兩煨熟煎服即愈或以大劑補中益氣加煨薑其功尤捷

一產婦患瘧發熱作渴曾膈脹滿遍身作痛三日不食嘔酸嘔氣此是飲食所傷脾胃不能消化用六君加神曲山查四劑而不作酸乃去神曲山查又數劑而飲食進其大便不通至三十五日計飲食七十餘碗腹始悶令用猪膽汁導而通之其糞且甚燥

一產婦患瘧久不愈百病蜂起其脉或洪大或微細或弦緊或沈伏難以名狀用六君子加炮薑二十餘劑脉症稍得又用參朮煎膏佐以歸脾湯百餘劑而瘧

冬官朱省菴停食感寒而患瘧自用清脾截瘧一藥食後腹脹時或作痛服二陳黃連枳實之類小腹重墜腿足浮腫加白朮山查吐食未化薛日食後脹痛乃脾虛不

能化也小腹重墜乃脾虛不能升舉也腿足浮腫脾虛不能運行也吐食不消乃脾胃虛寒無火也治以補中益氣加吳茱萸炮薑木香肉桂二劑諸症頓退飲食頓進不數劑而痊

一儒者秋患寒熱至春未愈留痞腹脹用人參二兩生薑二兩煨熟煎服寒熱即止更以調中益氣加芩夏茯苓炮薑數劑元氣頓復後任縣尹每飲食勞倦疾作服前藥即愈

一上舍每至夏輒非停食作瀉必瘡痢瘡亂遇勞吐痰頭眩體倦發熱惡寒用四物二陳芩連枳實山梔之類患瀉服止截之藥前症益甚時或遍身如芒刺然薛以補

中益氣加茯苓半夏內參芪各三錢歸木各二錢十餘劑少愈若間斷其藥諸病仍至連服三十餘劑全愈又服還少丹半載形體充實

汪石山治老人年近七十旬形色蒼白勞倦病瘡瘡止胃膈痞悶惡心痰多不思飲食懶倦口苦頭痛夜夢紛紜兩腿時痒脉皆浮濡無力且過於緩乃氣虛也宜做歸脾湯例加川芎枳實山查梔子出入服之而愈

一人年逾四十形瘦色紫淡素勞傷脾令常服參苓白朮散獲安住藥一年復勞飲冷酒不爽是夜頭又被濕遂致身冷不安早起面自俱黃醫用零筋草根酒煎服之吐瀉大作又加薑煎則心熱膈壅不進飲食大便秘結

瘧疾曾膈痞塞粥食不入嘔氣嘔逆吐涎意向甚惡汪
診左脈浮濡無力肝脈頗弦右肺部濡散脾部浮微二
部脈皆似有似無或呼吸相引又覺應指曰此脾虛之
極也初因勞熱飲冷頭又被濕內熱因鬱故發為黃若
用搗藥以泄上焦濕熱則黃自退乃用草藥酒煎濕熱
雖行而脾氣存者幾希且勿治瘧當用補脾為急用人
參五錢橘紅一錢時時煎湯調之令其且莫食粥以回
胃氣彼如所言旬餘乃愈

一人年踰四十不肥不瘦形色蒼白季秋久瘧醫用丹劑
一丸止之嘔吐不休粒米不入大便或瀉面赤妄語身
熱汪診脈皆浮而欲絕仲景云陽病得陰脈者死今面

赤身熱妄語其證屬陽而脈微又絕則陰脈矣此一危
也經曰得穀者昌失穀者亡今粒米不入此二危也又
曰泄而熱不去者死今數泄瀉而面赤身熱不愈此三
危也法在不治古人云治而不愈者有矣未有不治而
愈者也令用人參五錢白朮二錢御米一錢陳皮八分
煎服至四貼始漸有生意

一人年近三十形瘦淡紫八月間病瘧汪診之左脈頗和
而駛右脈弱而無力令用清暑益氣湯加減服之覺胃
膈痞悶遂畏人參更醫作瘧治而瘧或進或退服截藥
病稍增延至十月復請汪診脈皆浮小而濡帶數右手
則左近不足曰正氣久虛邪留不出瘧尚不正也宜用

十全大補湯減桂加茯苓倍參服之漸愈
 一人年逾三十形瘦色蒼八日間病瘧或用截藥或用符
 水延纏不愈曾膈痞滿飲食少進大腸痔血小便短赤
 瘧發於夜寒少熱多自汗汪診左脉濡小而緩右脉濡
 弱無力曰此久瘧傷脾也用入參二錢白朮歸身茯苓
 各一錢芍藥八分黃芩七分枳實五分陳皮六分甘草
 四分煎服後因痔血未止吞槐角丸而血愈多仍服前
 方而血減矣

婦面色淡紫年逾四十九月病瘧夜發渴多汗嘔吐粒
 食不進數日汪診脉皆浮濡而緩按之無力遂用人參
 五錢橘紅八分甘草七分白朮一錢煎服十餘貼瘧止

食進漸有生意但大便二十日不通再診右脉浮小無
 力左脉沈弱無力前方加歸身一錢火麻仁錢半如舊
 煎服病除

一婦年逾三十瘦長淡紫六月產八月瘧瘧止曾膈痞悶
 纏勞喘咳血身熱脚冷汪診左脉濡弱右肺部頗洪關
 尺二部亦弱以生地黃白芍麥門冬白朮各一錢阿膠
 歸身牡丹皮各七分人參八分陳皮五分煎服一點再
 令熱服渴止膈快但盜汗而脚即軟前方加黃芪半錢
 黃柏七分依前煎服愈

一人年三十形色蒼白因勞感熱九月盡病瘧頭痛口渴
 嘔吐曾膈痞塞不進飲食自汗倦怠熱多寒少醫用截

藥病增過飲水吐甚汪診脉皆浮大而濡頰弦曰此勞
倦傷脾熱傷氣之瘧也令人參三錢黃芪錢半白朮
麥冬各一錢枳實五分山查七分歸身黃柏知母各七
分乾薑甘草各三分煎服三貼病減復勞病作前方人
參加作四錢服之而安

一人年三十久瘧醫用補中益氣湯或止或作延及半年
因解髮結勞傷咳嗽醫以前方加半夏五味遂致喉痛
聲啞夜不能寢請汪視之右脉浮濡左脉小弱曰經云
陰火之動發為喉痺是也此必色慾不謹久服參芪徒
增肺中伏火耳令以甘桔湯加鼠粘子蜜炙黃柏煎服
二貼喉痛除而聲出繼服保和湯五貼而安

一人年三十餘形瘦淡紫素勞久瘧二日一發於夜嘔吐
熱多寒少不進飲食小便頻數氣喘咳嗽日夜打坐不
能伏枕幾月矣頭身骨節皆痛醫作瘧治病甚眾皆危
乏脉皆浮虛緩弱而不甚大汪以參朮加陳皮黃柏枳
實知母麥冬北五味煎服三貼病退越二日復病令用
四物加童便服之則嗽除喘止始能就卧再用八物湯
除茯苓加枳實香附又用枳朮丸加人參砂仁歸身黃
芩吞服調理熱來常服童便半年而安

一婦形色脆白年五十餘憂勞六月背瘡艾炙百餘壯瘡
散病瘡身熱自汗口渴頭暈嘔吐泄瀉不進飲食寒少
熱多自用清暑益氣湯病甚汪診左脉浮微似有似無

右脉浮小按之不足曰病雖屬瘧當作虛治依方而用
清暑益氣湯固與病宜但邪重劑輕病不去取令以參
朮加作五錢芪三錢茯苓一錢陳皮七分甘草五分煎
服病退

一人因冒風病瘧熱多寒少頭痛倦怠食少自汗已服參
蘇飲一貼汪診之脉皆浮虛近駛曰此虛瘧也非參蘇
飲所宜以參芪歸朮等藥煎服五六貼而愈且論之曰
元氣素虛不宜發散凡遇一切外感必須以補元氣為
主少加發散之藥以佐之庶為允當

婦常咳嗽加以瘧疾因仍左脇有塊瘧止有孕嗽尚不
寧喉乾痰少時或嘔吐出頑痰鍾許方止夜亦如是常

覺熱盛曾膈壅滿背脊心亦脹常要打摩姪已六月夜半
如廁身忽寒戰厚覆少頃乃愈越兩日夜半又發寒熱
如瘧肢節痛上身微汗口中覺吐冷氣胃中如有物礙
心前虛腫按之即頭痛氣喘坐卧不寧醫作傷寒發
散又作痰症而用二陳不効汪往視之脉皆濡而近滑
曰胃虛血熱也先以四君子湯加黃芩枳殼麥冬煎服
二三貼以保胃氣繼以四物加檳榔枳殼麻仁太黃三
服下之遂滯下後重虛坐努責怠倦不食時或昏悶亂
叫食則脹不食則飢四肢痛脚腫汪曰胃虛非湯藥所
宜令合枳朮丸加人參當歸黃芩服月餘諸症悉除胎
亦無損

一人形瘦色脆年近三十四月間腹痛惟覺氣轉左邊五日而止次年四月亦然八月病瘥間日一發寒少熱多十餘日止第三年四月八月如舊腹痛瘥作四年五月四月八月亦然但瘥作腹痛瘥止痛止旬日瘥除又瀉痢十餘日瀉止瘥又作但不腹痛五日瘥瘥初冬感寒頭痛發熱腹及右脇脹痛氣喘溇瀉內黑外紅日夜五六次內熱不減飲食難進醫用三乙承氣湯二貼繼用木香枳朮丸諸症皆定午後內熱愈熾遇食愈脹得瀉略寬頭痛不減請汪診視脈皆浮濡近駛曰氣屬陽當升虛則下陷矣又屢服消尅攻下之劑所謂虛其虛也安得不脹而頻瀉乎經云下者舉之其治此病之謂歟

或曰脹滿者氣有餘也積塊者氣固結也經云結者散之有餘者損之今有餘而補固結而益何謂汪曰人身之氣猶天之風風性剛勁揚砂走石孰能禦之孟子曰至大至剛是也緩則為物障蔽反以為病若能補養以復其剛大之性則衝突排蕩又何脹滿不散積塊不行經曰壯者氣行則愈怯者著而成病是也蓋氣之強壯者則流動充滿或有積滯亦被衝突而行散何病之有氣之怯弱則力小遲鈍一有積滯不免因循承襲積著成病法當升陽益胃遂以參苓白朮散煎升麻湯調服月餘仍令九服一料而愈

一人形瘦色脆年三十餘八月因勞病瘥寒少熱多自汗

體倦頭痛曾瘡略效而渴惡食大便或秘或澹發於寅
申巳亥衆醫議欲從丹溪用血藥引出陽分之例治之
汪診其脈濡弱近駛稍弦曰察形觀色參脈乃屬氣血
兩虛瘡已深入厥陰矣專用血藥不免損胃又損肺也
淹涎歲月久瘡成癆何也自汗嗽渴而蒼朮白芷豈宜
例用惡食曾瘡而血藥豈能獨理古人用藥立例指引
迷途可因例達變在後人推廣之也遂以補中益氣湯
加川芎黃柏枳實神曲麥門冬倍用參芪朮煎服三十
餘貼諸症稍除瘡猶未止乃語之曰今當冬氣沈潛瘡
氣亦因之以沈潛難使浮達况汗孔亦因以閉塞經曰
瘡以汗解當此閉藏之時安得違天時以汗之乎且以

參朮枳實陳皮歸身黃芩丸服胃氣既壯來年二月瘡
當隨其春氣而發泄矣果如期而安

一人年三十形色頗實初因舟行過勞受熱咳嗽不已續
又病瘡素有熱淋服藥或作或輒汪診之脈皆濡弱近
緩左尺略駛曰此熱傷氣也肺為氣主氣傷肺亦傷矣
故發咳嗽其瘡亦因熱而作令用人參錢半白朮麥冬
茯苓各一錢歸身知母各七分青皮黃柏知母甘草各
五分煎服而安九月舟行過勞感熱其瘡復作或一日
發或二日三日一發或連發二日醫治不效仍用前方
煎服而安

一人年二十六月因勞病瘡取涼夢遺遂覺惡寒連日慘

卷之三
慘不爽三日後頭痛躁悶家人診之驚曰脉絕矣議作
陰症欲進附子湯未決請汪治曰陰症無頭痛今病如
是恐風暑乘虛入於陰分故脉伏耳非絕也若進附子
湯是以火濟火安能復生姑待以觀其變然後議藥次
日未未申初果病寒少熱多頭痛躁渴痞悶嘔食自汗
大便或瀉或結脉皆濡小而駛脾部兼弦此非尋常祛
瘧燥烈剛劑所能治遂用清暑益氣湯減蒼朮升麻加
柴胡知母厚朴川芎以人參加作二錢黃芪錢半白木
當歸各一錢煎服二十餘貼而愈

初邑二尹北人也形長魁偉年逾四十六月舟中受熱病
瘧寒少熱多頭痛躁渴汗多醫用七保飲治之不愈汪

診其脉浮瀉而駛略弦曰此暑瘧也以白虎湯加入人參
三錢煎服十餘貼而瘧止

侍御程公形色清脆年四十餘素善飲病頭痛惡食泄瀉
小便短少午後惡寒發熱醫用二陳平胃五苓共一服
治不退反增腰腹拘急汪診視脉皆濡弱頰弦而駛曰
耗血傷胃惟酒爲甚復加以時熱外傷其氣內外兩傷
法當從補若用草菓擯榔常山半夏燥烈之劑譬之抱
薪救火寧不益其病耶遂以人參二錢黃芪錢半以益
皮毛不令汗泄白朮茯苓石膏麥冬各一錢以道地熟
不使傷胃知母青皮神曲黃芩歸身川芎柴胡各七分
以消積滯而和表裏少加甘草三分煎服十餘貼瘧止

後以參苓白朮散常服收功
一人年三十餘八月因勞病瘧請汪診視脈皆六至而數
無力曰古人云形瘦色黑者氣實血虛也間日發於午
後亦血分病之也以色脈論之當從血治但今汗多乃
陽虛表實失所衛消谷善饑乃胃虛火乘其土皆陽虛
也仲景法有憑證不憑脈者茲當憑證作陽虛治以參
芪各三錢白朮白芍麥門冬各一錢歸身生地甘草各
七分黃柏知母陳皮各五分煎服二十餘貼若用尋常
驅瘧劫劑寧免後艱

石山翁年逾六十形質近弱八九月酷熱時往來休歇外
有藥劑之勞內有病者之憂內外弗寧晝夜不靜至十

月初旬瘧作三日午後一發寒熱不甚喜熱惡寒寒去
熱來則覺爽快口乾微渴臨發昏倦嗜卧左脈沈小而
數右脈浮濡無力亦近於數獨脾部弦而頗洪瘧去則
脈皆木小浮沈相等惟覺緩弱而已初服補中益氣湯
十餘貼病無加減夜苦盜汗繼服當歸六黃湯黃芪每
貼四錢五貼汗止瘧如舊再服白虎湯人參四錢石膏
三錢知母一錢甘草六分米一撮煎服十餘貼而愈
一人瘦長脆白年三十餘久瘧後盜汗自汗過多加以傷
食吐瀉大作吐止而瀉四日不住筋惕肉瞤驚悸遺
小便不禁汪診脈皆緩弱右則略弦而濡曰此下多土
陰汗多亡陽氣血虛也遂以參芪為君白朮為臣山梔

麥冬牡蠣為佐酸棗歸身山查為使加以薄桂煎服自
餘諸症稍退半年之後常覺臍下內熱一團烘烘不散
時或夢遺一醫議作熱鬱固欲下之汪曰此非有餘之
熱乃陰虛生內熱耳若欲下之是殺之耳宜以前方加
黃柏熱當自退果驗

一人年十七八時因讀書恐饑感寒得瘡延纏三年瘡愈
寒氣臍左觸痛熱熨而散仍或發或止後因新娶往縣
復受飢寒似病傷寒吐二日夜不止接服理中湯補中
益氣湯固本丸補陰丸猪肚丸其吐或作或止飲食少
進續後受飢勞倦食則飽悶子至午前睡安略爽食稍
進午後氣升便覺脹悶胃膈漉漉水響四肢微厥吐水

或酸或苦亦有間日吐者大便燥結小便赤短身體瘦
弱不能起止汪曰雖不見脉見證必是稟賦素弱不耐
饑寒宜作飲食勞倦為主而感冒一節且置諸度外夫
氣升脹悶觸痛者脾虛不能健運以致氣鬱而然胃膈
漉漉水聲謂之留飲乃用獨參湯補養其氣血加薑以
安其嘔吐黃柏以降其逆氣初服三貼臍左痛除吐止
將人參加作一兩吐又復作此由補塞太過而無行散
佐使故也人參減作七錢附五分炮薑七分半夏八分
蒼朮厚朴各七分茯苓一錢服至二十餘貼吐止食進
餘病皆減頗喜肉味以手揉其肚尚有水聲汨汨微感
寒腹中氣猶微動或時鼻衄數點近來忽瀉二日而自

止纔住前藥又覺不爽前方加黃芪四錢山桅七分減黃柏如舊煎服或吐水或酸或苦大便閉燥小便赤短諸書皆以為熱凡病晝輕夜重諸書皆以為血病今用薑附者何也蓋吐水酸苦由脾虛不能行濕濕鬱為熱而水作酸苦也薑附性熱辛散濕逢濕則收逢熱則散鬱收濕散酸苦自除大便燥結者由吐多而亡津液也小便短少者由氣虛不能運化也故用人參以養血氣則血潤燥除氣運通矣若用苦寒之藥則苦傷血寒傷氣反增其病矣日輕夜重為血病者道其常也此則不然雖似血病實氣病也醫作血病而用固本補陰等藥反不解非血病可知所以日輕夜重日則陽得其位

而氣旺故病減夜則陽失其衛而氣衰故病甚經曰至於所生而持自得其位而起是也故病則有常有變而醫不可不達其變也病將愈猶或鼻衄數點者此浮溜之火也加山桅氣味薄者以潛伏之又當自愈後聞食母猪肉前病復作汪曰臟腑習熟於藥病亦見化於藥再無如之何也

一人年踰四十形肥色蒼因勞後入房感風夜半瘧作自汗寒少熱多一日一作醫用清脾小柴胡四獸等劑不効漸至二日或三日一發汪診左脉浮洪虛豁而數右脉虛小散數頭眩耳鳴四肢懶倦手足麻大便澹左脇瘡母時或夢遺發則嘔吐多痰或辰或午發至酉戌乃

退每至三十日連發二次子時發至離明其發微辰時發至酉戌其發如常乃用參芪歸朮知母麥冬厚朴陳皮大劑與之初服一劑痞塊反高小腹脹痛注曰藥若不瞑眩厥疾不瘳再當服之數貼後脈皆稍靜不數病者曰脈平而病不減何也注曰瘡邪已深非數劑之藥且夕之功弗能愈當久服待春分陽氣發揚方得全愈苟惑人言不惟瘡不能止或癩或鼓難免後憂夫瘡因感風暑寒水而作也經曰皮膚之外腸胃之內氣血之所舍也氣屬陽風暑陽邪而中於氣血屬陰寒水陰邪而中於血先中陽邪後中陰邪則先寒後熱先中陰邪後中陽邪則先熱後寒陽邪多則熱多渴而有汗陰邪

多則寒多而汗少氣血受邪而居於其舍悍衛之氣運行不息不受邪也日行陽二十五度夜行陰二十五度每一刻則周身一度行與邪遇則邪壅遏其道路故與相搏而瘡作也搏則一勝一負負則不與之搏而悍衛無得故瘡止矣夫邪之盛衰因氣之盛衰氣血盛邪亦盛氣血衰邪亦衰久則氣血衰或靜養一二日氣血復盛而邪亦盛悍衛行與之遇又復相抗而瘡每二十日連發二次者蓋二十八九三十日晦日也陰極陽生之時夜半微陽始生而力尚弱故瘡發亦輕辰則陽旺矣故瘡亦重此瘡所感陽邪居多故隨陽盛衰而為之輕重其三白一發非入於藏也由氣血盛衰而然非若傷

寒之傳經也或曰邪氣既因氣血而盛衰今補其氣血未免邪亦盛矣曰邪之所湊其氣必虛氣血未補終未至於強健邪無容留矣經曰邪正不兩立是也

俞子容治嶺南丁太商病瘧胃中痞悶燥昏不知人願得涼藥清利上膈其症上熱下寒脉沈而微以生薑附子作湯浸冷俾服踰時甦醒自言曾膈蹠爽然不知實用附子也若庸工見其胃中痞悶投以涼藥下之十無一生然此法惟山嵐瘴氣所致下體虛冷之人宜施若暑瘧瘵瘧則別處治可也

江篁南治曹氏子年二十餘客歸跋涉勞倦兼受熱飲涼水患瘧每日午先寒後熱多汗一醫為用清脾湯繼用

斬鬼丹吐涎益甚後二日嘔吐不止乃用人參養胃湯二貼嘔吐如故兼痰中有血六月中旬江視之脉虛豁以二陳湯加白芍白朮扁豆人參枳實山查黃連藿香薑棗出入加減八劑愈

一人瘧疾更三醫不可後一醫投薑附湯可而復作每至午前大寒寒時面青手指趾甲俱青異狀戰慄寒後復熱得汗只涼瘦削危甚不可言江診六部脉沈細先投溫脾湯繼進鐵煎散三益五更下鶴頂丹至次日午前以理中湯下黑錫丹一服如此三日而愈此乃寒症之藥也

一人瘧後先寒後熱醫用清脾湯又服截瘧丹遂發惡心

吐而復瀉次日鼻衄兩三碗但多煩熱求治加以小柴胡加半夏柴胡之類四服解其榮中之熱次投鐵煎散以祛瘡之邪午前將末理中湯入黃丹冷水調下黑錫丹和中壓痰鎮下瘡卽不來矣此乃熱因寒用寒因熱用之意

江應宿治李祠部真陽傷寒變瘧大渴大熱煩燥引飲都城醫投六君加青皮厚朴檳榔草菓十餘日不效召予診視六脉洪數微弦與小柴胡去半夏加白虎湯一劑而渴止再劑熱退而愈予時有儀揚之行李問已後當服何藥予曰公勞傷心脾將來但恐瘧而不寐宜歸脾湯調理後果煩燥不寐遣幼官往儀召予至則諸醫衆

論紛紛將欲下予止之曰胃不和則卧不安豈可妄下其家人囂囂以下爲是竟投下藥予固辭不復往綿延三月餘弗瘳遂養病歸籍多方調理而後愈此蓋輕病重治皆醫之過也

阮上舍患瘧已經三年或三日一發或五七日一發發於午後未申時背心隱隱寒起戰慄兩膝齊冷至足一二刻寒退熱作煩渴引飲屢治或暫止或半月一月又復作右脇下一塊如杯行步稍遠卽覺微痛乘馬勞頓亦作痛九月初診得弦數之脉投柴胡桑白皮各五錢鼈甲醋炙二錢作一服加煨薑水煎服卽止更與四君加柴胡鼈甲調理月餘間與瘧母九不復舉矣

夫久瘧乃屬元氣虛寒蓋氣虛則寒血虛則熱胃虛則惡寒脾虛則發熱陰火下流則寒熱交作或吐涎不食泄瀉腹痛手足逆冷寒戰如慄若誤投以清脾截瘧等耗氣血藥多致綿延不休若兼停食宜用六君枳實厚朴若食已消而不愈用六君子湯若內傷外感用藿香正氣散若內傷多而外感少用人參養胃湯若勞傷元氣兼外感用補中益氣加川芎若勞傷元氣兼停食補中益氣加神曲陳皮若氣惱兼食用六君加香附山梔若嘔酸或食後口酸當節飲食病作時大熱躁渴以薑湯乘熱飲之此截之良法也每見發熱時飲啖生冷物者病或少愈多致脾虛胃

損往往不治太抵內傷飲食者必惡食外感風寒者必惡寒審係勞傷元氣雖有百症但用補中益氣湯其病自愈其屬外感者主以補養佐以解散其邪自退若外邪既退即補中益氣以實其表若邪去不實其表或過發表虧損脾胃皆致綿延難治凡此不問陰陽日夜所發皆用補中益氣湯此不截之截也夫人以脾胃為主未有脾胃實而患瘧痢者若專主發散攻裏降火導痰是治其末而忘其本以前乃治瘧之大略如不應當分六經表裏而治之夫瘧三日一發丹溪以發日之辰分屬三陰而藥無三陰之別總用撫芎當歸紅花蒼朮黃柏等藥掣起

陽分瘡入陰分由陽虛陷入也惟宜陽分助氣之藥
加血藥引入陰分方可掣起專用血藥紙恐邪愈下
陷何以能掣起哉

名醫類案卷之三終

